

UMBUNDU Heart Book

UTIMA WOMUNU



COPYRIGHT

ISBN 0 - 908412 - 12 - 6

E-MAIL: info@angp.co.za

ALL NATIONS GOSPEL PUBLISHERS

Posbus 2191, PRETORIA, 0001, R.S.A.

(Missão de literatura Evangélica financiada por donativos) (Reg. No. 1961/001798/08)

Tumbangiyi Ñala Yesu.
Panduili ohenda yaye.
Kimbo liaye liokovailu
Tu ka kala kumue la'e.
Tu amamiko, avakuetu,
Oku kuama ño lutoi.
Nda tu u vumba kilu lieve,
Tu ka mola ulamba wa'e.
Eci tu pitilako
Tu ka kala lesanju li enda hu;
Tu ka mola Yesu,
Tu ka sambiliya onduko ya'e.

UTIMA WOMUNU

Pamue u linga onembele ya Suku pamue u linga ocilenga ca Satana.

1 Yoano 3:4-10.

Elivulu lilo haliokaliyeko. Lia moleha onjanja ya tete ko Franca, konyima ya 200 kalima kuenje lia kuatisa olahulukai viomanu. Lia lisoka lolumuilo lu Espiritu luoku limbukisa omanu utima wavo, ndomo Suku o lete. Ava va limbuka utima wavo wekandu eci va tanga elivulu lilo, valua. Kuenje eci va litavela va tambula utima wokaliye kuenda Espiritu liokaliye.

Eci vu tanga elivulu lilo, ivaluki okuti lia lisoka lolumuilo luoku livanja ene muele. Nda vukualofeka, nda vukuetavo, nda vukualomata, nda vukualukonyo, ene vosi vu ka sangamo ociluvialuvia cene ndomo Suku a ci lete. Ku Suku ka kuli ocame comanu. Eye o lete utima womunu.

Satana eye isia yuhembi, eye ombiali yoweleva, haeye Suku yotembo yilo. Eye o liluvikiya ndungelo wocinyi; puai kaliye hongelo wocinyiko vali, ndeci valua va sima, kuenje nda eye o tukulua lavi ovo va ci suvuka. Ndeci kosiahulu haico etaili ku kuete ovapostolo valua vesanda, vakuopange wesanda kuenje va liluvikiya ovapostolo va Kristu. Ka ci komohisa momo muele Satana o liluvikiyavo ndungelo wocinyi, 2 Va Korindo 11:13-14. Satana, Suku yotembo yilo, o tekavisa ovaso lovitima viomanu okuti ocinyi condaka yiwa yulamba wa Kristu ka ci va tuila, II Va Korindo 4:4.

Vakuakandu lavakualomata vosi va linga ovivimbi kuenda ndolomeke kovaso a Suku. Va enda enda ndocituwa coluali lulo, ndosoma yuviali wofela oyo espiritu li talavaya vomala vesino, Va Efeso 2:2. Nda ovaso avo ka a patuluka ha va moli oku nyoleha kuavo, va ka loña muele kokufa luvali.

U o popia hati: Si kuete akandu, o lilimbika eye muele. Poku tanga amela alo kuenda puku kulihisa oviluvialuvia vi kasimo, vu tela okul limbuka utima wene muele. Tavi okuti Suku o vu nyika loku vu lekisa ndomo utima wene u kasi. Limbuki akandu ene kuenje koka a limbiki, momo ondaka ya Suku yiti, nda tu popia tuti, akandu ka tu kuete, tu lilimbika, locili vitima vietu ka cimo. Nda tu litavela akandu etu, eye ukuacili haeye ukuesunga, o tu ecela akandu etu, o tu upa aviho osi, 1 Yoano 1:8-10. Osonde ya Yesu omolaye yi tu upa akandu osi, 1 Yoano 1:7.

Pamue vu pokola ku Satana pamue ku Suku. Pamue wapika vekandu pamue wakuenje va Suku nda ekandu li songuila omuenyo wene, ko ka kembi puai vilikiyi ku Suku, eye o yongola oku vu popela la Yesu Kristu. Eye weyile voluali oku popela vakuakandu loku upa omoko Satana a kasi layo mekonda liekandu lietu. Eye eyovo lietu. Vu kasi kovaso a Suku o kola kuenje eye o lete cosi covuyombeki, ndaño ovisimilo ndaño ovilinga via vunda vovimuenyo viene. Oku vunda kovaso a Suku ka ci teliwa, ndaño oku vundisa ovilinga viene, momo u wa sovola etui ka yevi, he? Pamue u wa panga iso ka lete? Osamo 94:9.

Ovaso a Suku a lete ovilinga viomunu. Eye o kuliha oku enda kuaye kuosi. Ka kuli ocilembo pamue oweleva wowi, omu vakuakulinga eviho va tela oku solama, Yovi 34:21-22.

Momo ovaso a Yehova a vanja vanja kuosi kilu lieve, ha lekisa unene waye kuvakuavitima viosungulukila, 2 Asapulo 16:9.

Puai Yesu ka likapele kokuavo, omo wa kuliha omanu vosi, Yoano 2:24. Wa sumuluha u okulueya kuaye kua eciwa, ekandu liaye lia tuvikiwa la Suku. Wa sumuluha omunu Yehova ko veta eko, vutima waye ka muli elimbi, Osamo 23:1-2. Tangi Osamo 51! Ndaño etaili Ñala Yesu lopo o tu kovonga hati: Enjui kokuange vosi wa sovoloji kuenda wa lemiwi, kuenje ndu kavuluisi, Mateo 11:28-30.

1. OCILUVIALUVIA CATETE

Ociluvialuvia cilo ci lekisa utima wukai pamue ulume ka pongolokele handi, o kasi voluali. Embimbiliya liu tukula ukuakandu, ca lomboloka citi: undeti o songuilua le espiritu lioluali lulo lovipango loloñeyi vietimba. Ociluvialuvia cilo ci lekisa muele ocili ndomo utima womunu u moleha kovaso a Suku. Ovaso ahe a kusuka nge. Ci lekisa oholua ndeci ci popiwa vOlosapo citi: Helie o lisiosiola? Helie ukuavaso a kusuka? Ovo vana va tumala osimbu lovinyu, vana va nyuanyua ovinyu via tengiwa.



Ku ka vanje ovinyu eci vi kusuka, eci vi tutuma vokopo leci vi feloka ocili. Kefulilo vi lumana ndonyoha, vi lumana muele ndenyenya. Vovaso muiya ovingoingoi: utima wove u tana tana evi viesanda, Olosapo 23:29-33.

Vemehi liutue wociluvialuvia caco vu limbukamo utima womunu wa linga ndonjo yovinyama viñi viñi vi lekisa akandu akahandangala a kasimo. Momo utima owo ohondo yakandu alua. Helie o tela oku a kulihisa? Yeremiya 17:9. Muele Yesu wimba uvangi hati: Momo vokati kovitima viomanu mu tunda ovipango vivi, ukahonga, umunu, umondi, okupekelisa, alivelo, asuvu, elimbi, oku pua ohele, onya, alundi, ocipombo, ahuku; Ovina evi viosi vivi vi tunda vokati kuenje vi vihisa omunu, Marko 7:21-23.

OPILU

Ocinyama catete opilu. Onjila yaco ya posoka enene lovonya ayo a fina lovivalo viñi viñi. Yi lekisa ekandu liepela. Satana, ukeruvi, wa wavekiwile, wa kaile eteke limue omunga yocinyi ca Suku, ungelu wa Suku. Eye wa kupuka mekonda liepela liaye kuenje wa linga unyali wa Suku, Isaya 14:9-17. Epela li moleha kovituwa viñi viñi. Vamue va likapa kunene mekonda liukuasi wavo, momo va kuete olongombe, lolomeme, lolonjo, lovapia pamue uwalo wa tila, pamue ocipala ca fina pamue etimba, ka va kuete osoi yoku lilekisa.

Pamue va lisivayaila ofeka yavo, pamue elongiso liavo, pamue ongsu yetimba, lupange, pamue onjelo yavo, pamue onekavo yavo, pamue ovina vialua vikuavo ka vi silivila. Vakuavo va liposuisa lovina viaño, lovinunga, lolombilingu, pamue lolombumba kovipala viavo loketimba liavo, osimbu Suku a lisovuile ciwa ciwa. Suku o yaka lavakueyengu puai o linga ohenda kasima, 1 Petulu 5:5. Epela lemande Suku o vi suvuka, Olosapo 8:13. Kovaso yepela ku iya oku nyoleha, kovaso yutima unene ku iya oku kupuka, Olosapo 16:18.

OCITUPI

Ocitupi ci lekisa ovipango vietimba: eviho, ukahonga, ohumba. Kuosi ocitupi ci pita ci lisilisa. Omanu valua va lisoka laco. Kuosi va pita, va fetika oku yonja vakuavo, alume vayonja akai pamue akai va yonja alume. Ohumba lukahonga vi lingiwa calua oloneke vilo vivi haevio via sulako. Amalehe ka va tela oku yula; ndaño akai lalume, ndaño ovimbumba vi lingainga uvaisi. Ekandu lia Sodoma lia kuatavo olahulukai viomanu, oco olondaka via popiwa la Nala Yesu vi telisua vina via linga viti oloneke vi sulako vi ka lisoka ndoloneke via Sodoma la Goroma.

Omunu undeti ka ka pinala usoma wa Suku, momo kofeka ku ka siala olombua lolonganga lavakuohonga lolomondi lavakuaviteka la vosi va sole oku linga uhembi, Esituluilu 22:15. Mekonda liaco tila ukahonga. Akandu osi omunu a linga ka a kasi vetimba, te ukuohonga eye olingila etimba liaye muele ekandu. Ka wa kulihili he okuti etimba liene onembele ye Espiritu Sandu o kasi volonulo viene? Omunu pamue ukai nda o nyola onembele ya Suku, ca lomboloka etimba liaye, Suku u nyola; omo onembele ya Suku yikola, lene vunembele yaco, 1 Va Korindo 3:16-18; 6:15-20.

ONGULU

Ongulu yi lekisa ekandu liuholua leli lioku sapa. Ongulu yi lia cosi yi sanga. Ka yi nola nola pokati keci ciwa leci civi.

Ca lisoka lutima womunu wa sila. U tambola ovisimilo vivi, u sole oku tala oviluvialuvia pamue oku tanga alivulu a kutisa osoi ku Suku yomuenyo. Puai lia silisua lovitua vivi violuali, ndeci oku sipa pamue oku fenyakaya. Ci nyola osonde kuenje ci koka ovitua vieviho. Nda Satana o kuta omunu umue lonjongole yoku sipa, ka tela oku panduluka Kevihoni eli te longusu ya Suku lika. Suku o suvuka ocilianu. Tu lialia ha tu kala lomuenyo, omo omunu ka kasilili ño oku lia. U o kuete onjala a lie okulia kuwa, puai oku livela ño oku lia olonjanja viosi, civi. Amalehe lakulu va livela ño oku nyua ocimbombo, ovinyu pamue olingenye. Puai oloholua ka vi ka piñala usoma wa Suku.

Ocimbombo hakuliako, puai ci koka okufa kuenje ci nyola olondunge. Ava va ci tambula ka va limbuka vali eci va kasi oku linga. Va linga vakuohonga. Ndaño oku liponda, va liponda. Puai nda ka va nyuile, nda ka va ci lingile. Kotembo ya Mose nda omunu wa kala lomola wa tatama haeye oholua, co sesamelele oku u sasola lovawe, Esinumuilu 21:19-21. Ava va kela ekandu liavo lia lisoka lava va ci landisa kuenda lava va va ci nyua; momo ondaka ya Suku yiti: U o nyuisa vakuavo kokopo yonyeño yaye, kuenje o va koluisa ha tali epolola liavo, ngongo yaye, Havakuki 2:15. Ko ka kembiwini: ndaño vakuohonga, ndaño vakuaviteka, ndaño ava va lala lakai vamale, lalume va lisokisa lakai, lalume vakuakulala lalume, lovimunu, lavakuacipululu, lavakuakuimbula, lolondiandia ka va piñala uviali wa Suku, 1 Korindo 6:9-10.

Ovilinga vietimba vi moleha haevi: ukahonga, eviho, ohumba, oku fendela oviteka, owanga, asuvu, ema, onya, olonyeño, ocipululu, olonamalala, olonepele, oku livela, ovoholua, ayele lovina via lisoka levi, Va Galatia 5:19-20. Ko ka kolui ovinyu momo vi koka oku nyoleha puai yuki Espiritu, Va Efeso 5:18. Nala Yesu, haeye ono yomuenyo, o kasi loku laleka ava va yeva enyona hati: Umue nda o kasi lenyona, eye kokuange, a nyue. Yoano 7:37-38. U o nyua kovava ndu wiha a linga vokati kahe ono yavava yi tombokaila omuenyo kopui, Yoano 4:14. Ene vosi vu kasi lenyona, enjui kovava. Wosi ka kuete olombongo eye, a lande, a lie, Enjui muele, ndo landi ovinyu lasenjele, puai halolombongoko, halondandoko, Isaya 55:1.

OMBEU

Ocinyama cilo cenda levando. Ci lekisa ekandu liowesi kuenda lioku taha. Cosi ka ci kuete ekolelo, ekandu. Ukuawesi o yonjaiwa. Eye o sole vali oku iva, oku talavaya ci sule. Owesi u songuila olonjanja vialua koku ponda. Onjongole yukuawesi yu fisa, momo ovaka aye a likala upange, Olosapo 21:25.

Owesi wutima u tateka alombelo etu, haicovo oku tanga embimbiliya loku fendela.

U tu upa ombili yoku vanjiliya vondaka ya Suku yi kuete omuenyo ko pui. Owesi u kasi ndocimunu, kesulilo u songuila koku nyoleha. Nda Suku o tu sapuila hati: Eca etaili kokuange utima wove, oco Satana iya lombili kuenje oku sapuilavo hati; Amisapo toke hela pamue toke keteke limue likuavo. Puai avoyo, eteke liaco li pi? Tu ci siasia oloneke viosi, anyamo osi toke okufa ku iya kuenje Suku ka kasi letu, ndaño eyovo liaye lonjovoli Nala Yesu. Oco Suku hati: Etaili nda vu yeva ondaka yaye ko ka tilisi ovitima viene, Va Heveru 3:7. Ociwa combeu ci silivila olonjanja vialua kovimbanda. Mekonda liaco ci ivaluisa ekandu lioku kolela umbanda, oku kolela Suku yomuenyo hacoko. Avandeti ka va vilikiya ku Suku yomuenyo eci va vela pamue eci va kasi lovitangi, puai va tava koviteka, kolombombo, lokovawe, lokolombinga pamue kovina vikuavo ka vi kuete omuenyo, via vatukuilua locimbanda, osimbu ca va sesamelele oku kolela usovoli haeye onjovoli yavo.

Suku wa handeleka komala va Isareli, hati: Ku ka tave okuti onganga yi kala lomuenyo, Etundilo 22:18. Pokati kene ka pa ka sangiwe ukuakutaha, ndaño onoño yalende, ndaño ukuakukolua, ndaño onganga, ndaño ukuakuyamba, ndaño ukuakawengo, ndaño ociliangu, ndaño ukuavinjalume. Momo wosi o linga ovina evi, eye ocimbondo ku Yehova, Esinumuilu 18:10-12.

Ko ka tiami ku vakuakusingila pamue ku vakuakutaha; Ko ka va sandi okuti vu li vihisa lavo; Ame ndi Yehova Suku yene, Ovisila 19:31.

Oco omunu waco o tiamela ku vakuakusingila kuenda ku vakuakutaha, ha lingi lavo ukahonga, ndi nyumalisila omunu waco ocipala cange siu tepa kovakuavo. Oco liyelisi ho koli, omo Ame ndi Yehova Suku yene. Yesu Kristu eye lika usakuli womuenyo, wutima loketimba, Ovisila 20:6-7. Eye ecela akandu etu osi kuenje o sakula ovoveyi etu osi, Osamo 103:13. Pokati kene pali u he o vela? A kovonge akulu vekongelo kuenje volikutilila. Kuenje ohutililo yekolelo yi popela u ovela, oco Nala u pindula, puai nda wa linga akandu a wecelua. Litaveli akandu ene pokati. Likutilili pokati okuti vu veluisa, Tiago 5:14-16.

Osimbu o kasi loku tanga okalivulu kalo, Suku o kasi loku popia love hati: Sumuila akandu ove, tumbika omuenyo wove ku Suku; puai Espiritu liombeu li kasi vutima wove liti ku ka yayuleko, ku ka litumbike etaili. Ci tava oku ci linga hela pamue osimanu yiyako pamue vali unyamo wiyako oco ciwa. Pula tete veyove, pula tete ukai wove pamue olonjali viove nda va sima ndati. Kuela tete, sevisa tete omala vove evamba. Oco ove ku pokola vali ku Suku puai o yeva kondaka ya Satana yi kemba kemba ño. Poku linga ndoco o ka tilisa utima wove toke u ka tila ndociwa combeu.

ONGUE

Ocinyama caco ca tema enene kuenje ci sole oku lia eci cosonde. Ci lekisa onyeño, ema, lonya yi kasi vutima womunu. Vosi va vialiwa lema lonyeño, va tela oku songuilua kovilinga viungangala, koku lisinga, koku tukala kuenda olonjanja vialua koku ponda. Huti ño omanu valua va kuata espiritu liaco lia Satana, eci va nyua ocimbombo pamue olingenye, oco ka va tela vali oku lipokuisa ovo muele. Valua vakuosumba vanyua enene ha va kuata utoi woku fetuluinya cimue civi.

Ovinyu viavo owule wolonyoha, lowule u kola wa nolili, Esinumulo 32:33. Ukuakandu o sole oku fetuluinya puai Suku lika ukuakufetuluinya. Yesu hati: Soli ovanyali vene. Suku wa likuminya oku ecela akandu etu nda etu tu ecela ava va tu kuatele akandu.

ONYOHA

Ocilulikilo cilo ca posokele enene konahulu. Noke ca kemba Adama la Eva vocumbo cEdene, ha ci nyoli ombembua yavo kuenda ongongela yavo ya posoka la Suku. Satana wa kuata esepa, eci a mola ndomo Suku a sola omunu watete kuenda ndomo a va kundika oluali luosi. Lesepa liaco Satana wa panga oku nyola muele ombembua yomunu lomuenyo waye la Suku, yu wa ci linga. Esepa liaco li koka oku fa eci li kasi vutima womunu lovomuendo wahe li tateka esanju liahe, osimbu vakuavo va sanjuka kuenje va kasi ciwa. Ndaño vakuopange wa Suku va lunguke muele mekonda lie Espiritu liaco lia Satana olio esepa, eci ci moleha calua nda Suku o sumuluisa umue, pamue o talavaya lahe ca piala, okuti leye ci sule. Esepa li koka ovisimilo vialua vivi vutima ndaño vioku nyola esanju liavakuetu. Esepa pokati kulume lukai waye li tela oku nyola ongongela yavo lomuenyo wavo wosi. "Ukuelume wa soka ndonjembo." (Ocisungo ca Salomone 8:6).

OCIMBOTO

Ocimboto ci lialia eve kuenje ci lekisa ekandu lioku sapa kuenda ocisola colombongo leci cukuasi. Oco olumbombo luaviho osi, I Timoteo 6:10. Ovimboto vimue viofeka yo ko Kongo vi lia lia ovisonde toke vi toka kuenje vi fa. Ocilianu ka ci tava oku tepelako ukuavo pamue oku eca kolosuke ukuasi wahe. Eye o seteka ndaño lesunga ndaño halesungako oku vokiya ukuasi waye wa kulo kilu lieve, puai u liwa ale longuyu, lombunji kuenje ovimunu vi ka wi va iva. Oco Nala Yesu o tu sapuila hati: Lisiliyili ukuasi kilu, oko ovimunu ka vi vuluila, haiko ka vivi: Momo oko ku kasi ukuasi wove haiko ku kala utima wove, Mateo 6:19-21. Akani lonjo yaye wa nyoleha, omo a solele ulu, opalata luwalo wa tila kuenje wa kuatele eci ka ca tavele oku ci kuata. Yuda Isikariote, ondonge ya Yesu, wa nyoleha omo wa Sola calua olombongo okuti Nala Yesu ci sule, Mateo 27:3-5.

SATANA

Eye isia yolohembi viosi lava va kemba. Eye ungombo wovinyama viaco viosi, haeye usongui wutima. Nala Yesu hati: Wa tiameli ku isiene eliapu, oco vu yonguila oku linga ocipango ca Isiene. Eye omondi tunde kefetikilo kuenje ka kasi locili. Nda o vangula uhembi oco o vangula caye muele, omo eye ohembi, haeye isiaco, Yoano 8:44.

OLUMBUNGULULU

Olumbungululu lu lekisa olondunge vioku tepisa eci ciwa leci civi kovitima viomanu vosi. Palo lu tekava, lua silisua lekandu loloñeyi, oco ka lu tela oku suisapo ciwa ocikele caluo. Heveru 10:22.

ISO

Iso lia Suku li kasi kuosi kuenje li lete cosi ci kasi vutima. Lacimue ci tela oku vunda kulienge wiso lia Suku. Oco eye o lete kuenje wa kuliha ovisimilo viosi lolonjongole viosi viovuyombeki. Nda ove o linga eviho vowelega ci kale pi ci kale pi, Suku o lete.

UNGELO

Ungelo o lekisa ondaka ya Suku. Suku o kasi oku popia lukuakandu wa kembiwa, hati: Litavela, tava okuti ocinyi ca Suku ci iñila vutima wove wa sila. Okuetu, Suku o kasi oku popia love o kasi loku tanga ndeti elivulu lilo.


OPOMBA

Onjila yaco ya yela, yusima haiyo ondimbukiso yEspiritu Sandu, Espiritu liocili, lina lipisila ekandu, esunga lekanga. Kociluvialuvia cilo Espiritu li kasi kosamua, momo ka li tela oku tumala kumue lekandu.

OTUVILIENGE TUONDALU

Otuvilienge tuondalu tu kasi loku ñuala utima wekandu, tu tu lekisa ocisola ca Suku ci ñualavo utima wekandu, momo Suku ka yongola okuti ukuakandu o fa puai okuti o litavela ha kuata omuenyo. Yesu weyile oku popela ukuakandu, u o limbuka ekandu liaye. Suku o yongola oku yelisa utima losonde yomolahe wongunga, eye Nala Yesu. Otuvilienge tuondalu tu tu lekisa ocisola caye. Ocisola ca Suku ci yongola oku iñila vutima wa pola haiwo wokufa. Yesu o tai kuvelo wutima kuenje o totola. Nda o tava oku u yikuila, eye iñila kuenje o yelisa utima wove kuenda oku yovola.

2. OCILUVIALUVIA CAVALI



Ociluvialuvia cilo ci lekisa omunu o fetika oku sumuila ekandu liaye loku sanda Suku. Ungelo o kasi losipata, oyo ondaka ya Suku yi kasi lomuenyo, lombilikiti, ya tua enene, omoko ya tua nelebali yi sule, yi toma toke yi tepa omuenyo locilembia kuenda asokoluilo lupuma, ya lunguka oku limbuka ovisimilo lovipango viutima, Va Heveru 4:12.

Ondaka ya Suku yi tu lekisa okuti onima yekandu okufa, kuenda ndeci omanu vosi va fa fa onjanja yimuamue noke ekanga, Va Heveru 9:27. Ukuakandu lu ka kolela va lavoka ociva condalu ci taima lofuofuo. Peka likuavo ungelu o kuete evolofonyo liutue womunu ka kuete vali omuenyo. Ci ivaluisa ukuekandu, okuti etu vosi tu laika oku fa. Etimba lietu lina tu sole enene, tu tata tata olonjanja viosi loku liwalaisa loku litekola loku liposuisa loku tava tava kolonjongole lokoloñeyi vialio, etimba liaco li laika oku fa, loku vola muele. Apuka a ka li lia puai utima wetu lEspiritu lietu, vi laika oku tukulukila kekanga lia Suku. Ukuakandu o fetika oku yevelela ondaka ya Suku kuenje o yikula utima waye, ha mu iñila ocisola ca Suku. Espiritu Sandu li fetika oku taimila vutima u tekava. Ocinyi ca Suku ci iñilamo kuenje ci fetika oku tilisa owelema, wosi. Apa pali ocinyi, owelema u tilapo muele. Owuya wocisola ca Suku u fetika oku tokotisa utima wa pola. Ekandu lina, li moleha kovinyama viñi viñi, li kasi loku tila.

Okuekandu, tava ku Yesu, cinyi coluali, ha iñila vutima, wove. Oco noke owelema lovilinga viaco viowelema vi tunda vutima, ndomo o ci lete kociluvialuvia cilo, Yesu wa popia hati: Ame ndicinyi coluali u o ñuama ka endela vali vowelema, Yoano 8:12. Ngongo yava va sole owelema okuti ocinyi ci sule! Cina Ñala Yesu a iñilile vonembele yo ko Yerusalai, oco wa tundisile vosi va landisa olongombe, lolomeme, lolopomba kuenje wa peselele olombongo via vakuakutolokala kuenje hati: Onjo yange yi tukuiwa onjo yoku likutilila. Puai wa yi lingisi ocilala covingumba, Mateo 21:13. Onjo yaco utima wove. Yesu keyilile

lika oku tu ecela akandu etu puai weyililavo eyovo lietu, ha tu yovola kongusu lokuviali wekandu. Oco Mola nda u yovola, oco vu yovoka muele, Yoano 8:36.

3. OCILUVIALUVIA CITATU



Cilo tu limbuka utima wukuakandu, o sumuila ocili okandu aye. O yeva kuenje o limbuka unene luvi wakandu aye akahandangala, ana Yesu a valelelua kekulusu. Londaka ya Suku ungelu wo limbukisa ekulusu. Eci a li mola, utima waye wa teka. Ocisola ca Suku ca tukuluka la Yesu Kristu, ca yengulula utima waye; ca piala eci a sokolola Yesu Kristu Kameme ka Suku, ndomo eyile oku upa akandu aye alua kuenje ndomo a tavele oku u fila kekulusu. O sokolola ndeci va veta Yesu kuenda ndeci vo futisa ekolowa liolosongo, ndeci a kala lolopeleko kovaka lokolomai kuenda ndeci a fila akandu etu kekulusu. Eci cosi ci teya utima wukuakandu o kasi loku sumua. Osimbu a tanga pamue o yevelela ondaka ya Suku, eye o limbuka volumuilo lua Suku ndomo utima waye wa tekava kuenda wa sila. Wa tomiwa kuenje utima waye wa teka kuenda wa samba. O lilila akandu aye. Puai Suku o kasi oku tokeka kokuaye. Ocisola lombembua vi iñila vutima waye wa yelisua losonde ya Yesu Kristu. Eye o fetika oku limbuka okuti Yehova yu ocipepi lavakuavitima via teka kuenje o popela ava va kasi lovitima via samba, Osamo 34:18. O sakola ava va teka kovitima kuenje witika apute avo, Osamo 147:3. Kuenda vali ondaka ya Suku yiti: Puai omunu mbanja yu wa liketisa, haeye wonjuka vutima kuenda o lulumila ondaka yange, Isaya 66:2.

Espiritu Sandu locisola ca Suku vi kasi loku iñila vutima wa yelisua. Eye o fetika oku limbuka okuti akandu aye a ecelua kuenje o kuata uvangi kutima waye okuti onsonde ya Yesu, Mola a Suku yo yelisa kakandu aye osi, I Yoano

– U o kolela Yesu ka fi puai o kala lomuenyo ko pui, I Va Korindo 6:10-11. Ku Yesu tu kuete eyovo losonde yaye, olio ongecelo yakandu ndomo ukuasi wocali cahe walua, Va Efeso 1:7. Kaliye vutima waye mu kuete espiritu liokaliye kuenje eye ka soli vali oluali ndaño ovina vi kasimo, puai o livela ovina via Suku. Utima waye we yuka locisola cokilu. Ovinyama vi tu lekisa akandu aye, a kasi posamua yutima; ndaño Satana ka sole oku tundako kuenje o kasi handi loku vanja konyima loku sanda vali uvelo umue woku iñilamo. Oco tu longisua oku lavulula loku lomba, ha tu yuli, eliapu ha li tu tila.

4. OCILUVIALUVIA CAKUALA

Ociluvialuvia cilo ci tu lekisa ukuakristu wa sanga ombembua leyovo liakanguka locilumba ca Ñala yetu Yesu Kristu. Onjovoli yetu. Oco eye o lipanda lika lekulusu lia Yesu Kristu. Oluali kokuahe luavaleliwa leyevo wa va lelelua oluali, Va Galatia 6:14. Eye o limbuka cocili okuti Nala Yesu wa fila kekulusu, oco etu tua fa kakandu tu kuate omuenyo lesunga, 1 Petulu 2:24. Ukuakristu o valelelua oluali, tu longisua oku enda enda IEsiritu, oco ka tu lingi ocipango cetimba, Va Galatia 5:12-25. Kuenda vali tu longisua oku kuama oku kola, sanga lomue o mola Ñala, Va Heveru 12:24. Vociluvialuvia cutima ulu tu lete ongunji oko va tu likele Yesu eci va wupile uwalo waye. Tu limbukavo olhava vina, vo vetele lavio momo eyambulo lia tu sesamelele etu lio veta. Eye wa totiwa olombole oku lueya kuetu. Soma Herode lomanu vaye vo yolele epembe, noke votipuisile kuenje vo walisile onanga yohusu.



Eci va petele ekolowa liolosongo, vo li kapele kutue waye, ekolowa liulu halioko. Va wihile oluneva peka liahe liokondio, epangati halioko; Kuenje loku kekama vo fendelele vati: A Hosi a Soma yava Yudea. Vo siyilile, va tambuile oluneva luaye kuenje vo vetele laluo kutue. Oco eci vo fuanguila va endeke laye oku u valela komindikiso. Kuli omanu valua va li tukula vakuakristu va lomba lomba volonembele, va tambola omsesa ya Ñala, va imba imba ovisungo vi sivaya Suku puai ovilinga viavo vivi vi valela vali Ñala Yesu komindikiso. Havosiko va lomba lomba vati: A Ñala a Ñala, va iñila vusoma wokilu, te ava va linga ocipango ca Tate o kasi kilu, Mateo 7:21.

Kociluvialuvia o letevo onjeke yolombongo ya Yuda. Yuda wa pakula Yesu kuenje wo landisa lakui atatu kolopalata, momo ocisola colombongo co tekavisile ovaso aye kuenje ca kuatele utima waye weviho. Olondiyelo lalienge via silivilile kasualali vana va kuatele Ñala Yesu vuteke kuenje va imbilile uwalo waye ocela. Oco ci lingiwe ocisonehua citi: Va lianjela uwalo wange; va imbila uwalo wange ocela, Osamo 22:18. Esualali limue lio toma lunga kepati, haico pa tunda osonde lovava, Yoano 19:33-37. Osimbu ekondombolo ka lia lilile, Petulu wa likala Yesu kovaso ukai upika, puai noke wa lila calua. Ove he, okuetu, o kasi oku imbila Nala Yesu uvangi lomela wove kuenda lomuenyo wove ale, ale o kasi lohele yoku ci linga?

U o liñalela kovaso omanu, ndu likalelavo kovaso a Tate o kasi kilu, Mateo 10:32-33. Yesu wa popia vali hati: Umue nda o yongola oku ñuama a lisuluvike, a tikule omindikiso yaye ha ñuama, Mateo 16:24. Kuenje u kayelula omindikiso yaye ha ñuama ka sungulukilile, Mateo 10:38.


Nda valeliwa komindikiso kumuamue la Kristu, Va Galatia 2:20. Kekandu wa fi, puai wa muili omuenyo ku Suku la Kristu Yesu, Va Roma 6:11.

Ove a Yesu, wa nalela
Olohali kekulusu
Njivaluise upongo wove
Ndimbukise ohenda yove,
Yi mbokiye ocipango
Coku litumbika ocili.

5. OCILUVIALUVIA CATALO

Ociluvialuvia cilo ci lekisa utima umue ukuekandu wa yelisua kuenje wa kolisua lohenda yalua kuenda locali ca Suku. Kaliye utima waco u linga onembele yocili ya Suku, ocitumalo ca Tate, ca Mola kuenda Espiritu Sandu, ndomo Yesu Kristu a ci likuminya hati: Umue nda o sole ame, o linga ondaka yange, kuenje Tate u sola, etu tu iya kokuaha kuenje tu tunga laye, Yoano 14:23. La Yesu Kristu Suku o sole omunu, u sumuluisa kuenda u kemalisa.

Utima waye wa pongoloka yapa. Wa linga onembele ya Suku yomuenyo. Ekandu lia upiwa. Mua kaile ovinyama viñi viñi via vialiwa la Satana, isia yuhembi; kaliye tu limbukilamo Espiritu Sandu ndomo li kasimo.



Mua kaile ovilinga vieviho vietimba, kaliye utima u kasi ndocumbo cima apako, pamue nduti wapako wima ima apako Espiritu: Ocisola, esanju, ombembua, epandi, unu, esunga, ekolelo, umbombe, esuluviko, lapako akuavo a sanjuisa Suku lomanu. Kaliye omunu wa linga ocanja ci ima apako kuyuva wocili, okuti owo Nala yetu Yesu Kristu. O tela ndati oku ima apako aco? Ci teliwa loku tokeka ku Yesu Kristu kuenje Kristu kokuaye. Leyevo o patekela Ondaka Yaye vutima waye, Yoano 15:1-10. Eye weyuka Espiritu Sandu kuenda wa papatisiwa lalio.

O kuete ongusu yoku yula oloñeyi vietimba kuenje o valela etimba liaye komindikiso kumue lovipango vialio. Longusu yEspiritu Sandu eye o telavo oku enda enda lEspiritu. Ka kasi vali lomuenyo mekonda liovina vi moleha lovaso pamue vi yevala lovatui, puai o mola omuenyo lekolelo. Ekolelo ku Yesu Kristu, olio eyulo li yula oluali. Eye o mola omuenyo lelavoko kuenje o kolisua lelavoko liocili lietukuluko lia Nala Yesu Kristu. O mola omuenyo mekonda liocisola ka ci pui ca Suku.

Va yela vutima va sumuluha, momo va tukuiwa omala va Suku, Mateo 5:8. Soma Daviti, ndaño wa kala lukuasi wa piala kuenje wa yula yula anyali vaye, ndaño wa ipaya ocindululu Goliata lavakuavo, haimo wa livela cimue ci kola komuenyo waye, ci sukilua nda omunu o yongola oku mola Suku.

Eye wa vilikiya lutima waye wosi, hati: Sovuile utima u yela, a Suku tumbulula vokati kange espiritu liepandi, Osamo 51:10.


Epako lie Espiritu vutima womunu wa pongoloka lieli:

Unu, Esunga, Ekolelo, Umbombe, Esuluviko, Va Galatia 5:22-23. Ocisola, Esanju, Ombembua, Epandi, Va Galatia 5:22-23.

Lomue o tela oku yelisa utima waye muele, pamue oku sovola utima u yela vokati kaye longusu yaye. Te nda iya ku Suku lesumuo liocili loku litavela kuocili loku sia akandu aye nda Soma Daviti kuenda ndomola Ocilanduli wa sia olongulu viaye kuenje wa tiukila ku isiaye, wa likapa kutito kuenje wa popia laye hati: A Tate, nda linga ekandu kilu kuenda kovaso ove. Suku o livela oku kuatisa ukuakandu wosi iya kokuahelEspiritu liocili liesumuo momo Suku wa likuminya hati: Ndu wihi utima wokaliye. Ndu kapi espiritu liokaliye. Ndu upi utima wewe, ndu kapi utima womuenyo. Kuenje ndu fuimili omuenyo wange, loku wendisili vovisila viange ho tati oviholo viange loku vi linga, Esekiele 36:26-27. Eci oco ocisila cokaliye ca Suku ca kolisua losonde yomolahe Yesu Kristu. Vociluvialuvia cilo tu letevo ungelu ndomo a tiuka vali. Ovangelo va vumba vumba ava va ka piñala omuenyo kopui kuenda va ñuala ñuala ava va sumbila Nala, Osamo 34:7; Osamo 91:11; Daniele 6:22; Mateo 2:13; Mateo 18:10; Ovilinga 12:7-10.

Vociluvialuvia cilo tu letevo Satana ocipepi lutima. O livela oku iñila vali vocitumalo caye cosimbu. Oco tu longisua oku lavulula loku lomba momo eliapu unyali wetu, o ñuala ñuala ndohosi yi koma ha sandi u a lia, 1 Petulu 5:8. Yaki leliapu kuenje liu tila, Tiago 4:7.

6. OCILUVIALUVIA CEPANDU



Ociluvialuvia cilo ci sumuisa, momo colukonyo. Iso limue li laika oku patako. Ci lekisa okuti omunu o kasi loku pola, loku kuata owesi komuenyo wetavo. Iso likuavo li kasi loku ñuala ñuala ño kuosi, ka li kuete osoi, li seteka oku kuata evi violuali. Ocinyi cokutima ci kasi loku ima. Olondimbukiso vioku tala ohali kumue la Nala Yesu vi yongola oku tunda. Omunu waco o kasi ño loku yonjaiwa kuenje o tava kayonjo, kuenda oku yaka leliapu hacoko. O kasi oku yevelela ondaka yuyonji, eyi ya Suku hayoko. Ndaño lopo o kasi loku enda enda kefendelo kuenje o seteka oku limbika ovituwa violuali, haimo kutima waye o kasi ale kupala la Suku kuenje wasia ale ocisola caye catete la Suku. Olumbungululu luna lu ivaluisa eci ciwa leci civi lukasi loku imavo kuenje ekulusu li kasi ndocilemo cinene. O fetika oku tepuluka kekolelo liahe. Ka lombi vali. Evi viutima waye, eye ka vi sokolola vali enene kuenje o lieca kuyonji o kasi loku ñuala ñuala utima waye.

Espiritu liopilu li yongola oku iñila. Eye o likapa kunene hati: Ndukuakristu, kuenje ivalako okuti wa popeliwa lika locali. Uholua u totola kepito kuenje u yongola oku iñila. Mbi umue o kasi loku u yonja hati; mahako ño kamue pamue hati: Ocimbombo ka ci luli, ka ci lingi cimue. Eye ka limbuka okuti oku nyua kamue katito pamue oku tambula ocimbombo ka ci luli calisoka ndolui lutito lusonguila volui lunene luoku kolua.

Mbi ukai umue o kelela veyaye lakamba aye ocimbombo, puai eye muele o lipopela hati: Ame sia maheleko. Puai o kasi loku onja vakuavo kuenje o kembiwa eye muele luholua. Kuiya eviho lukahonga, vi yonja yonja ukuakristu longusu ya Satana. Mbi o fetika oku sanjukila olombangulo vi kutisa osoi pamue ukamba uvi, pamue olombaile.

Mbi vo sapuila vati: Oku piluka nduketavo ciwa okuti ulume lukai, ulume lukai; puai oku piluka ndocituwa ca vakualofeka civi puai eye ka limbuka okuti kuosi omanu va piluka, oko va kuatavo ovituwa vieviho kuenje ca piala kolombaile viaco. Oku sipa olocingarano ndomunu wa kuata ovituwa viokaliye, ca lisoka ndoku sipa kuavakualofeka. Momo va sipa ca piala, lutanya luteke. Yesu lalimue eteke a sipile haico ca sesamelele ukuakristu una o kuai Yesu.

Satana u sapuila hati: oku lueya ño kamue katito ka ci lingi cimue pamue oku panga ño ekandu onjanja yimuamue. Puai uyonji o ka ci popia popia toke ondele yevihoyi tambuiwa vali vutima wa yelisilue kuenje yu viala vali.

Ulume undeti o kasi oku nyola utima locitele cutale ivaluisa vakuakupembula pamue vakuakupatala evi via Ñala. Eye ka tela oku pandikaisa eci omanu vo yola pamue ceci vo pembula. Ca piala nda ci tunda kakamba vaye. Olondaka viavo vi toma utima waye kuenje tunde apa ocisola la Suku ci pola eye o kala calua lusumba lomanu, la Suku ci sule. Kuenje ndomo a kasi lohele nda he omanu va ka popia nye pamue va sima nye, eye o linga upika womanu kuenje o konyoha. Eci a kasi lovitangi, oco onyeño yu kuata vali. Oku lisinga loku siñala ku silisa omela waye una wa sivayaile Suku haiwo wa lombaile kokuaye. Ndaño Satana o sanga lika epangu lititoto, haico owisi wesepa wiñilamo kuenje u luamo oco ovituwa vikuavo vieviho vi ka iñilamovo.

Ca lelukavo oku tava kocisola colombongo, oku likalako te nda wa patekelele elungulo lia Ñala yetu Yesu Kristu, eci a popia hati: Lavululi kuenda likutilili okuti eyonjo ka liu sangi, Mateo 26:41. Oco u wa soka hati Nai, a lunguke sanga o kupuka, 1 Va Korindo 10:12. Tu malehi ovimaleho viosi via Suku, oco tu tela oku yaka latutu osi eliapu, Va Efeso 6:11-18.

7. OCILUVIALUVIA CEPANDUVALI



Ci lekisa utima womunu wa kaile ale locinyi ca Ñala, cina a tambuile kilu, haico ce Espiritu kuenje wa kupuka. Ci lekisavo okuti omunu waco lalimue eteke a litavelele, ndaño ondaka yepopelo yo kundilua.

Wa limbuka ocili puai wa tilisa utima waye kuenje wa amako oku linga akandu. Ñala Yesu eye muele, wa lekisa utima wolukonyo eci a popia hati.

Puai ocilulu ca viha nda ca tunda vomunu ci tungayala vakango omo ka muli ovava oku sanda epuyuko, kuenje eci ka ci lisangi oco ci popia citi: Niukila vonjo yange omo nda tunda. Yu eci ca keya ca sanga yupolokoso, yakombiwa kuenda ya yanguiwa. Oco cenda ci kopa ovilulu epanduvali vikuavo via viha calua, eci ci sule kuenje oku inila vi tungamo: Oco esulilo liomunu waco livi, ndeci a kaile hise, Luka 11:24-27.

Va linga ndolusapo luocili: Mbua o tiukila kosanjo yaye. Ngulu wa lisukuile o tiukila kocilivombelo, 2 Petulu 2:22. Ovinimbu evindeti vi lombolola ciwa utima ulo womunu. Akandu luhembi wao wosi u tumala kaliye vutima waye loku u viala. Espiritu Sandu wa sia utima, momo ekandu IEspiritu ka vi tela oku tumala pamosi. Momo esunga leci hesungako ci kutiwa ndati? Utima ko tela oku linga ndonembele ya Suku oku vali ndocilala ca Satana.

Ungelo wenda loku sumua, puai lopo o kasi oku vanja konyima, momo o lavoka handi epongoloko liomunu waco, ndeci omola ocisanduli a lisanga. Eye wa kuata olondunge eci a kala lolongulu kuenje wa livela oku kutisa imo liaye lovingangu via lia lia olongulu kuenje lomue wa wiha okulia. Eye wa limbuka ndomo a konyoha loku nyelela kuenje wa popia hati: Ñatuka ngenda ku Tate, ha popia laye siti: A Tate, nda linga ekandu kilu kuenda kovaso ove, si sesamela oku tukuiwa omolove. Omo wa litavela kuenda wa sumuila ocili akandu aye, isiaye wa wecela kuenje wa ipaya onumatale ya netisua kuenje wo tata ciwa ciwa. Puai kociluvialuvia cilo, ka ku molehela esumuo li koka oku tiukila ku Suku, loku kekamela kolomai via Yesu, ha sangi ongecelo lonjelo. Huti ño, omuenyo waye wa ipaiwa ale. Eye o kuete etui puai ka yevite vali, ndomo Suku o kovonga. O lete haimo ka limbuka vali ekungu lia longa lionjembo kovaso aye. Ka kuete vali osoi ndaño esumuo lioku amako ño lakandu aye. Satana yapa o viala utima waye kuenje o tumala ndosoma komangu yaye. Mbi lopo o lipandiya ndomunu wa posoka; wa lisoka leyambo lia seketiwa ocikela, kilu lia posoka puai vokati mue yuka akepa omunu wa fa leliño liosi, Mateo 23:27. Isia yuhembi wa tambula ocitumalo cEspiritu liocili. Ocinyama locinyama pamue ekandu lekandu likuete ondele yalio locilulu calio coku u kuatisa oku viala utima. Ndaño wa yonguile oku lipopela kuevi viu talisa ohali, haimo ka ci teliwa vali, momo wa linga ale upika wavio. Oco o kasi loku telisa ondaka ya Suku yina ya popia yiti: U wa tomba ovihandeleko via Mose o fa. Ca posokela oku yambuiwa ca piala u wa liataila Mola a Suku kuenje wa soka hati: Osonde yocisila a kolisua layo oco ocina caño, haeye wa fukilisa Espiritu liocali? Va Heveru 10:28-29.

Okuetu, ociluvialuvia cilo nda ci lekisa ndomo o kasi, vilikiya ku Suku lutima wove wosi. Eye o ci yongola kuenje o tela oku ku popela. Haeye o ku ecela kuenje o ku yelisa kakandu osi nda wiya lutima wocili lesumuo. Eye o tela oku kuata eliapu lolohoka viaye viosi loku vi tundisa kutima wove, nda o tava. Enju, ndukuavilundu una weyile ku Yesu kuenje wa vilikiya hati: Nda o ci panga, o tela oku ñayisa; kuenje Yesu hati: Nda ci panga kaya, Marko 1:40-41.

Puai nda wamako oku tilisa utima wove kuenda oku sola owelema, ocinyi hacoko, oco nda ka ku kala elavoko, ndaño ekuatiso kokuove; momo o kasi loku nola okufa, omuenyo hawoko.

8. OCILUVIALUVIA CECELALA



Cilo tu sanga ukuakandu pamue ukualukonyo o kasi ocipepi lokufa. Etimba liahe li kasi lolongambia vialua, utima waye weyuka lusumba walua wokufa. Kufa weya eci eye ko lavokele kuenje ko yonguile. Kaliye kufa wo saluisa. Esanju lioluali lia pita kuenje cilo onima yi kola yekandu yi yongola oku fetiwa. Olongambia vionjembo via kuata ale omuenyo waye. Ndaño o yongola oku lomba kaliye, o kasi loku limbuka okuti ka sangi vali ongongela la Suku.

Elembeleko liesanda liakamba aye ovaluali ka li tela oku u kuatisa. Ndaño ukuasi waye a nganyalele locisola colombongo, ka vi tela oku popela omuenyo pamue oku tepulula kolongambia viaye pamue oku amisako omuenyo waye. Ndaño o seteka oku sokolola Suku, eliapu ka li tava. Cosi eye a solele kulo kilu lieve, huti ño kaliye cu yola epembe. Ndaño u wa litukuile ungombo waye wesanda kulo kilu lieve, ka tela oku u kuatisa. Eye o fetika oku limbuka okuti ci linga usumba okufa peka lia Suku yomuenyo.

Eye wa lavokele oku kala ciwa handi la Suku keteke liokufa, puai kaliye o limbuka okuti wa cilua. Olohulukai viomanu va fa ka va ci lavokaile kuenje ka va sangi vali evelo lioku litumbika ku Ñala. Oco tu longisua oku sanda Suku osimbu a sangiwa. Ukúakandu ulo o kasi loku fa kuenje wa likalele ocali locisola ca Suku osimbu a kalele lomuenyo.


Kaliye ka yevi vali ondaka ya Suku yohenda puai o yeva ondaka yonganji yaye, yiti, Nunde wa siñaliwa, wila vondalu ka yipui ya angiliyilua eliapu lovangelo vaye, Mateo 25:45. Omanu vosi va fa fa onjanja yimuamue noke ekanga, Va Heveru 12:2.

9. OCILUVIALUVIA CECEA

Cilo tu lete ociluvialuvia cukuakristu wocili una o pandikisa o yula ayonjo osi etimba kuenda eliapu. Eye o yonjiwa kolonele viosi puai o kuata epandi toke kesulilo. Eye wa velapo ukuakuyula kovina evi viosi mekonda lia Yesu Kristu kuenje ka fetikile lika ocikele caye cukuakristu puai o ci malusulavo, loku vanja ku Yesu, usongui wetu wekolelo haeye esulilo lialio, Va Heveru 12:2. Satana lolohoka viahe viosi o kasi oku ñuala ñuala utima wu o kolela, ha sangi evelo lioku iñila, puai ka ci tava. Epela, ocisola colombongo, ovisimilo vieviho vi kasi loku totola. Ndaño ka kuli ongue puai ku kuete ocimbulu, omo olonjanja vialua ekandu liya vonduko yi liñi locipala ci liñi. Puai ukuakristu nda o lavulula o limbuka akandu osi ndaño eya

Wa liangiliya oku ñualehela la Suku kuenje wa li soka nduti wa kuliwa kolondui vioyava ha wima ima epako liawo kuvo waco, ndocanja cuyuva wocili cima apako alua. Ocisola cocili ca Suku ca yukisa utima waye kuenje oco ka kuete usumba wokufa.

10. OCILUVIALUVIA CEKUI



Yesu hati: Ame ndipinduko haime ndimuenyo; u o ñolela ndañu o fa haimo o kala lomuenyo; u o kasi lomuenyo kuenje o ñolela, ka fi vali, Yoano 11:25-26.

Ocili, ocili, u o yeva ondaka yange kuenje o kolela u wa numa, o kuete omuenyo kopui, haeye ka pi; puai wa iluka ale vokufa, wa iñila vomuenyo, Yoano 5:24. Kufa ka tela oku saluisa pamue oku sakalaisa ukuakristu omo Kufa wa taka voku yula. A Kufa, olumola luove lupi? Oku yula kuove kupi? Pandu, pandu ku Suku o tu muisa oku yula mekonda lia Yesu Kristu Ñala yetu, 1 Va Korindo 15:54-57.

Omunu nda wa kala kala la Nala komuenyo waye, ka kuete usumba lokufa. Eci eteke liaye lioku tunda voluali lulo liya, eye enda lesanju kimbo liaye li kola halio ka li pui.

Upostolo Paulo hati: Njongola oku tunda si kala la Kristu, momo ca velapo calua, Va Filipoi 1:23. Ukuakristu o livela oku tala ocipala ca Yesu wo fila komindikiso kuenje wo yovola losonde yaye muele. Espiritu Sandu li wi ivaluisa olondaka via Yesu vina a popia hati: Ovitima viene ka vi ka tokotelue, njiya vali, ndu upilili, oco oku nasi haiko vukalavo, Yoano 14:1-4. Evi iso ka lia vi muile letui ka lia vi yevele, kuenje ka via lombolokele vutima womunu, ovio Suku angiliyila ava vo sole, 1 Va Korindo 2:9.

Ka kuli elimi kulo kilu lieve li tela oku lombolola pamue oku lekisa ulamba wokilu wa angiliyilua ava va pandikaisa kulo kilu lieve kuenje va kolela Ñala Yesu.

Ociluvialuvia cilo cekui ci lekisa ndomo ukuakristu wocili a tambuiwa ha endi ku Nala. Kufa kaliye heyeko vali o moleha, puai ku moleha ungelu wa Suku. O kevelela ha tuala Espiritu liu wa yovoka ku Suku. Utima waye Espiritu liaye ka vi kasi vali vetimba liaye puai vi enda konete yu wa soliya ale la Kristu eci a kaile handi lomuenyo vetimba. O ka tambuiwa lesanju la Suku, eye o ka popia hati: Wa linga ciwa, vukuenje wa sunguluka, wa kolelua iñila vesanju lia Ñala yove, Mateo 25:21. Satana ko kuetele vali omoko, momo okufa kuolosandu viaye ku kola kovaso a Yehova, Osamo 116:15.

Oco nda yeva ondaka ya tunda kilu ya linga omo: Va sumuluha ava va fa, ava va fa la Ñala tunde opo; Espiritu hati: Ewa, omo va puyuka kovopange avo, momo ovilinga viavo vi enda lavo, Esitululo 14:13. Okuetu wa tanga elivulu lilo, Suku a ku kuatise oku eca utima wove ku Yesu, momo eye hati: Amolange, nyiheko utima wove. Eye o ka ku iha utima wa yela kuenda Espiritu liokaliye. Ku ka tave ño kutima uvi, sanga o pambuka kuenje o ka tava koloñeyi, omo u o likolela eye muele vutima waye eveke, Olosapo 28:26.

Puai u wenda enda lolondunge o puluka. Okuetu, siapo akandu ove kuenje kuata esunga, omo onima yekandu okufa, puai ocali ca Suku omuenyo ko pui vu Kristu Yesu.

Love, okuetu, nda wa li tumbika ale ku Yesu, kuata oseteko yolondaka via kolapo lekolelo locisola ci kasi la Kristu Yesu, omo u wa kolela o wi kuenje wa kolela okuti o tela oku lava ocikundi cove toke eteke liaco. Likolisi lekolelo liene likola loku likutilila Espiritu Sandu. Kali vocisola ca Suku loku vanja ku Yesu usongui wetu wekolelo haeye esulilo lialio kuenje soma yolosoma o kasi loku iya ndopo.

Kuenje ku yuna o tela oku vu lava okuti ka vu lipunduka loku vutalamisa kovaso ulamba waye lesanju lialua ha vu pui atondelo, ku Suku eye lika Upopeli wetu, ku kale ulamba luñala luviali lunene, cilo kuenda toke kotembo ka yi pui. Amen, Yuda 24,25.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.angp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.angp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtfdos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.

For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

www.angp-hb.co.za

info@angp.co.za

ALL NATIONS GOSPEL PUBLISHERS
P.O. Box 2191
PRETORIA
0001
R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)

The "HEART OF MAN" books can be viewed and downloaded using the following link:

www.angp-hb.co.za